



Broj: 05/7-50-13-696-21/12

Sarajevo, 17.7.2012.

Z A P I S N I K

21. sjednice Vijeća nacionalnih manjina Bosne i Hercegovine, održane 17.7.2012.

Sjednica je počela u 13 sati.

Sjednicom je predsjedavao Nedžad Jusić, predsjedavajući Vijeća.

Sjednici su prisustvovali: Vasilija Ibrahimagić, Jovanka Manzalović-Šalaka, Nedeljko Tomašević, Halil Bicaj, Tihomir Knežiček, Hakan Varan, Andrija Svatok, Iren Milivojević, Marija Grbić i Jakob Finci.

Opravdano je odsustvovao Darko Kovč.

Sjednici su, također, prisustvovali: Vildana Bakšić, predstavница OSCE-a, Medina Delalić, Sektor za odnose s javnošću Sekretarijata Parlamentarne skupštine BiH, Branislava Vignjević, stručna savjetnica, i Anđelka Dobrilović-Rajak, stručna saradnica u Zajedničkoj komisiji.

Članovi Vijeća usvojili su prijedlog da se u Dnevni red pod rednim brojem 3. uvrsti tačka Razno.

Članovi Vijeća **jednoglasno su** usvojili sljedeći

DNEVNI RED

1. Razmatranje prijedloga Zajedničke komisije za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH o Prijedlogu odluke o imenovanju članova Vijeća nacionalnih manjina BiH;
2. Razmatranje zaključka Zajedničke komisije za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH u vezi s ukidanjem novčane naknade za rad u Vijeću nacionalnih manjina BiH;
3. Razno.

Ad.1. Razmatranje prijedloga Zajedničke komisije za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH o Prijedlogu odluke o imenovanju članova Vijeća nacionalnih manjina BiH

Predsjedavajući Nedžad Jusić otvorio je raspravu o ovoj tački dnevnog reda.

U raspravi su učestvovali: Nedžad Jusić, Andrija Svatok, Iren Milivojević, Vasilija Ibrahimagić, Marija Grbić, Neđeljko Tomašević, Jakob Finci, Hakan Varan i Halil Bicaj.

Nakon rasprave o Prijedlogu odluke o imenovanju članova Vijeća nacionalnih manjina BiH, u kojoj su članovi Vijeća izrazili svoje nezadovoljstvo načinom odabira kandidata koje je Zajednička komisija za ljudska prava, prava djeteta, mlade, imigraciju, izbjeglice, azil i etiku predložila za članove Vijeća nacionalnih manjina BiH. Takođe su istakli da se ne slažu sa proširivanjem broja predstavnika nacionalnih manjina bez izmjene Zakona o zaštiti prava pripadnika nacionalnih manjina.

Članovi Vijeća **jednoglasno su** usvojili sljedeće zaključke

1. Vijeće nacionalnih manjina BiH sugerira Zajedničkoj komisiji da prilikom izbora članova u Vijeće nacionalnih manjina BiH podrži kandidate koji su dobili najveću podršku njihovih udruženja, te predlaže da se navedeni zaključak uputi Predstavničkom domu i Domu naroda Parlamentarne skupštine BiH;

2. Vijeće nacionalnih manjina BiH smatra da se mišljenjem Ministarstva za ljudska prava i izbjeglice BiH ne može mijenjati Zakon o zaštiti prava pripadnika nacionalnih manjina u kojem je taksativno navedeno 17 priznatih nacionalnih manjina, te nije saglasno s kandidaturom predstavnika ostalih nacionalnih manjina ili manjinskih grupa bez izmjene Zakona.

Ad.2. Razmatranje zaključka Zajedničke komisije za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH u vezi s ukidanjem novčane naknade za rad u Vijeću nacionalnih manjina BiH

Predsjedavajući Nedžad Jusić otvorio je raspravu o ovoj tački dnevnog reda.

U raspravi su učestvovali: Jakob Finci, Nedžad Jusić i Marija Grbić.

Članovi Vijeća istaknuli su da smatraju nepravедnim i neopravdanim ukidanje novčane naknade za rad u Vijeću nacionalnih manjina BiH, kao i to da ovakav zaključak Zajedničke komisije potvrđuje diskriminaciju nad pripadnicima nacionalnih manjina, te su jednoglasno usvojili sljedeći:

Zaključak

Vijeće nacionalnih manjina BiH predlaže Zajedničkoj komisiji da povuče zaključak upućen Zajedničkoj komisiji za administrativne poslove Parlamentarne skupštine BiH koji se odnosi na ukidanje novčane naknade za rad u Vijeću, smatrajući da navedeni zaključak potvrđuje diskriminaciju pripadnika nekonstitutivnih naroda, navodeći da bi to predstavljalo jedini slučaj da se za rad u Vijeću, odboru i komisiji u Parlamentarnoj skupštini BiH ne naplaćuje naknada za rad. Vijeće sugerira da se, u skladu s općim smanjenjem naknada za rad u iznosu od 4,5 do 5%, također, izvrši smanjenje naknada za rad članovima Vijeća nacionalnih manjina BiH.

Ad.3. Razno

Zbog ograničenog vremenskog trajanja sjednice nije bilo rasprave o navedenoj tački dnevnog reda.

Sjednica Vijeća završena je u 14,20 sati.

Sastavni dio ovog zapisnika je tonski snimak 21. sjednice Vijeća.

Predsjedavajući Vijeća nacionalnih manjina BiH
Nedžad Jusić